

**Visokoškolska ustanova
Visoka škola za finansije i računovodstvo FINra
Tuzla**

Broj: 02-558-10/21

Datum: 27.07.2021. godine

Na osnovu člana 60. Zakona o visokom obrazovanju („Sl. Novine TK“, broj: 7/16, 10/16, 5/17, 15/17, 15/19 i 9/20) i člana 47. Statuta, na 42. (četrdesetdrugoj) sjednici održanoj 27.07.2021. godine, Senat Visoke škole za finansije i računovodstvo FINra Tuzla donosi sljedeću:

ODLUKU

o izmjenama i dopunama nastavnog plana i programa u okviru postojećeg studijskog programa „Finansije i računovodstvo“

I

Usvajaju se izmjene i dopune nastavnog plana i programa I ciklusa studija u okviru postojećeg studijskog programa „Finansije i računovodstvo“ na visokoškolskoj ustanovi FINra.

II

U nastavnom planu i programu iz člana 1. ove Odluke, vrši se izmjena predmeta tako da:

- a) Nastavni predmet „**Planiranje i analiza poslovanja**“ na drugoj godini studija zamjenjuje se predmetom „**Porezni sistemi u BiH i EU**“;
- b) Nastavni predmet „**Porezni sistemi u BiH i EU**“ na trećoj godini studija zamjenjuje se predmetom „**Planiranje i analiza poslovanja**“;
- c) Uvodi se novi nastavni predmet „**Interna revizija**“ na četvrtoj godini studija, umjesto predmeta „**Računovodstvo finansijskih institucija**“ koji se iz nastavnog plana isključuje kao takav;
- d) Vršiti se spajanje nastavnog predmeta „**Računovodstvo trgovine i usluga**“ i „**Računovodstvo finansijskih institucija**“ u jedan predmet pod nazivom „**Računovodstvo trgovine, finansijskih institucija i usluga**“.

III

Izmjene i dopune iz člana 1. ove Odluke ne mogu se primjenjivati retroaktivno, u smislu utvrđivanja dodatnih obaveza studentu za studijske godine koje je uspješno okončao.

IV

Ova Odluka stupa na snagu danom donošenja, a primjenjuje se počev od akademske 2021/2022. godine.

Obrazloženje

Razmatranjem nastavnog plana i programa prvog ciklusa akademskog studija na visokoškolskoj ustanovi FINra, te praćenjem njegove realizacije u protekle četiri studijske godine, ustanovljena je potreba da se izvrše određene izmjene, a koje podrazumijevaju sljedeće:

Nastavni predmet "Planiranje i analiza poslovanja" koji se sluša na drugoj godini studija u IV semestru, uvrštava se na treću godinu studija u VI semestar u smjerovima „Računovodstvo, porezi i revizija“, „Finansije, bankarstvo i osiguranje“ i „Informacione tehnologije u finansijama i računovodstvu“, a nastavni predmet "Porezni sistemi u BiH i EU" koji se sluša na trećoj godini studija u VI semestru, uvrštava se na drugu godinu studija u IV semestar, čime se praktično vrši njihova zamjena. Predmet „Porezni sistemi u BiH i EU“ u svim navedenim smjerovima na drugoj godini nositi će 7 ECTS bodova, dok će predmet „Planiranje i analiza poslovanja“ u smjeru „Računovodstvo porezi i revizija“ nositi 7 ECTS bodova, a u smjerovima „Finansije, bankarstvo i osiguranje“ i „Informacione tehnologije u finansijama i računovodstvu“ 6 ECTS bodova.

Izmjene i dopune nastavnog plana i programa obuhvataju i uvođenje novog nastavnog predmeta pod nazivom „Interna revizija“ i to u smjeru „Računovodstvo porezi i revizija“, koji se uvrštava u nastavni plan i program umjesto predmeta "Računovodstvo finansijskih institucija" na četvrtoj godini i nosi 6 ECTS bodova. Naziv i program predmeta „Interna revizija“ utvrđen je na inicijativu nastavnika iz oblasti finansija i računovodstva. Prijedlog za uvođenje nastavnog predmeta „Interna revizija“ nastao je kao rezultat uočene potrebe za sticanje znanja i vještina koji će studentima visokoškolske ustanove FINra omogućiti da sistematski i metodološki utemeljeno razumiju materiju iz ove oblasti, te da ovladaju vještinama potrebnim za sticanje zvanja Interni revizor. Zvanje internog revizora sve više dobija na značaju i sve je više traženo na tržištu rada. Osim toga, novi Zakon o računovodstvu i reviziji u FBiH je predvidio veću potrebu za internim revizorima, koji bi radili u jedinicama interne revizije kod svih subjekata od javnog interesa. Takođe, uočena je i sve veća potreba za internim revizorima od strane privatnih kompanija, banaka, kao i drugih poslovnih subjekata. Cijeneći prethodno opisane okolnosti, došlo je do uvođenja nastavnog predmeta "Interna revizija" u nastavni plan i program.

Uvođenjem nastavnog predmeta „Interna revizija“ u smjeru „Računovodstvo, porezi i revizija“, iz nastavnog plana isključen je predmet „Računovodstvo finansijskih institucija“ koji je sa 6 ECTS bodova bio zastupljen u VIII semestru. Osim toga, predložen je novi nastavni predmet pod nazivom „Računovodstvo trgovine, finansijskih institucija i usluga“ koji će nositi 4 ECTS bodova kao izborni predmet na III godini studija u V semestru. Naime, evidentna je povezanost između nastavnih predmeta „Računovodstvo finansijskih institucija“ i „Računovodstvo trgovine i usluga“, pa se pokazalo opravdanim njihovo spajanje i uvođenje jednog predmeta, koji će studentima svrsihodnije omogućiti shvatanje gradiva izučavajući navednu materiju zajedno iz predmeta koji ovo znanje podrazumijevaju.

Usklađivanje navedenih izmjena sa spoznajama proisteklim iz izvršene unutrašnje evaluacije studijskog programa ne smatra se znatnijim promjenama, već predstavlja dio osiguranja kvaliteta.

Shodno navedenom, Senat visokoškolske ustanove FINra je na sjednici Senata održanoj 27.07.2021. godine, donio odluku kao u dispozitivu.

Dostavljeno:

1x Senatu i

1x a/a

